



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM  
Administrativna komisija  
Broj: 01/7-011-661-1/02  
Sarajevo, 25.06.2002. godine

Bosna i Hercegovina  
**PARLAMENTARNA SKUPŠTINA**  
BOSNE I HERCEGOVINE  
SARAJEVO

Primljeno:	18.07.2002. godine		
Org. jed.	Broj	Sjednost	
01/7	-011-661-1/02		

## Z A P I S N I K

### 9. sjednice Administrativne komisije Zastupničkog doma Parlamentarne skupštine Bosne i Hercegovine, održane 19.06.2002.

Sjednica je počela rad u 13 sati.

Sjednici su prisustvovali: Sead Avdić, predsjedavajući, Branislav Lolić, zamjenik predsjedavajućeg, Adem Borić, Branislava Ferzanović, Franjo Majdandžić, Amor Mašović i Zdenko Vukić, članovi Komisije, Muharem Imamović i Gordana Ković, zamjenici ministra za Trezor, Ranko Šakota, pomoćnik ministra za Trezor i Vedran Hadžović, sekretar Zajedničke službe.

Izostanak su opravdali Mirko Banjac i Mariofil Ljubić.

Za sjednicu je predložen i jednoglasno usvojen sljedeći:

### D n e v n i r e d

1. Usvajanje zapisnika 8. sjednice;
2. Informacija o izvršenju budžeta Parlamentarne skupštine Bosne i Hercegovine u periodu januar-april 2002.;
3. Informacija o poduzetim mjerama za otklanjanje nedostataka uočenih od strane Ureda za reviziju institucija BiH;
4. Razno.
  - zahtjev Mješovitog kluba zastupnika za uplatu sredstava,
  - zahtjev Kluba zastupnika HDU za preraspodjelu sredstava,
  - žalba Lejle Tafro-Sefić,
  - molba Merdžane Igljice, sekretara Komisije i Zlatka Vukmirovića, šefa Odjela za odnose sa javnošću za naknadu za korištenje mobilnog telefona.
  - regres za godišnji odmor

### **Ad.1. Usvajanje zapisnika 8. sjednice**

Komisija je jednoglasno usvojila zapisnik 8. sjednice

### **Ad.2. Informacija o izvršenju budžeta Parlamentarne skupštine Bosne i Hercegovine u periodu januar-april 2002.**

U raspravi su sudjelovali Sead Avdić, Vedran Hadžović, Muharem Imamović, Branislav Lolić i Adem Borić.

Zaključeno je da se do 10. jula o.g. zakaže zajednička sjednica sa Komisijom za finansijske i administrativne poslove Doma naroda na kojoj će se razmatrati 6-mjesečni izvještaj o poslovanju i utvrditi dinamika za narednih 6 mjeseci. Tom prilikom će se ocijeniti dosadašnji odnos prema budžetu i donijeti program mjera štednje. Neophodno je u pripremi mjera štednje ugraditi: restrikcije putovanja i broj članova delegacija, zaustaviti stvaranje novih većih finansijskih obveza, raskinuti sa 1. julom o.g. sve ugovore o djelu, osim 1-2 koja su neophodna; novoprimitljene sekretare komisija zadužiti za rad u adekvatnim komisijama i poslovima drugog doma; sa 1. oktobrom o.g. raskinuti radni odnos zaposlenih na određeno vrijeme (savjetnici, vozači, sekretarice); razmotriti mogućnost štednje u svim tekućim redovnim rashodima, posebno u vrijeme korištenja godišnjih odmora.

S tim u vezi, potrebno je međunarodnu saradnu racionalizirati tako da delegacije ne mogu imati više od jednog člana bez pratećeg osoblja (prevodioca ili sekretara komisija) za koje ukupne troškove snosi Parlamentarna skupština Bosne i Hercegovine. Za vidove međunarodne saradnje čije troškove pokriva organizacija ili institucija koja je uputila poziv, troškove boravka obračunati shodno zakonu. Ovakve delegacije u pravilu mogu imati više članova.

### **Ad.3. Informacija o preduzetim mjerama za otklanjanje nedostataka uočenih od strane Ureda za reviziju**

Uvodnu riječ dao je Sead Avdić.

Informacija je jednoglasno prihvaćena.

### **Ad.4. razno**

- Jednoglasno se prihvata informacija o formiranju novog kluba zastupnika HDU, kao i zahtjev za preraspodjelu sredstava.

- Žalba Lejle Tafro-Sefić

U raspravi o žalbi sudjelovali su Vedran Hadžović, Zdenko Vukić, Amor Mašović, Branislava Ferzanović i Sead Avdić.

- Članovi Administrativne komisije Predstavničkog doma bili su podijeljeni u stavovima u opravdanosti žalbe Lejle-Tafro-Sefić tako da se nisu izjašnjavali sa ciljem da se traga za mogućim rješenjem zajedno sa komisijom Doma naroda Parlamentarne skupštine Bosne i Hercegovine.



- Molba Merdžane Iglice i Zlatka Vukmirovića za naknadu za korištenje mobitela

Jednoglasno je prihvaćen prijedlog da se državnim službenicima Zlatku Vukmiroviću, Merdžani Iglici, Seni Bajraktarević, Nevenki Savić odobrava mjesečna naknada za korištenje mobitela u iznosu do 50 KM, te s tim da troškove nabavke mobitel aparata snose sami zaposlenici. Odluka stupa na snagu danom donošenja, s tim da se Zlatku Vukmiroviću odobre troškovi mobitela za mjesec maj (pripreme za prijem Bosne i Hercegovine u Vijeće Evrope).

- Donesena je jednoglasna odluka da isplata regresa za godišnji odmor bude u iznosu i u skladu sa odlukom koju će donijeti Vijeće ministara.

Vedran Hadžović je iznio pitanje putnih troškova zastupnika Ibrahima Đedovića i Franje Majdandžića koji na sjednice dolaze iz Republike Hrvatske. Zaključeno je da se odobrava isplata troškova prijevoza od državne granice (prijelaz Izačić) do Sarajeva i obratno na način kako je regulisano u Odluci o plaćama zastupnika.

Sjednica je završila rad u 14:30 sati.

Predsjedavajući  
Administrativne komisije  
dr. Sead Avdić